



Lionsþing á Internetinu 2020

Boð til Lionsþings á netinu 6. júní 2020

Fjölumdæmi 109 og umdæmi 109 A og B hafa þá ánægju að bjóða til Lionsþings á Internetinu árið 2020. Hér á eftir eru leiðbeiningar um skráningu og hvernig þingin verða. Í framhaldi af skráningu verða sendar frekari upplýsingar til þeirra sem skrá sig um það hvernig þingið fer fram og hvernig hægt er að tengjast með hugbúnaðinum Zoom. Ekki er þörf á mikilli tölvuþekkingu til að tengjast og við hvetjum ykkur því að vera óhrædd við að skrá ykkur til þings.

Formaður og ritari klúbbsins eru beðnir að sjá til þess að þingfulltrúar séu skráðir á þing og þeir þá jafnframt skráðir á kjörbréf með atkvæðisrétt (sjá kafla um Kjörbréf) í samræmi við rétt klúbbsins.

Hafnarfirði, Mosfellsbæ og Reykjavík, 6. maí 2020,

Ellert Eggertsson, fjölumdæmisstjóri,
Jóhanna Thorsteinson, umdæmisstjóri 109A og Bragi Ragnarsson, umdæmisstjóri 109B

Um skráningu og þinghaldið

Athygli er vakin á því að þingin verða haldin á Internetinu að þessu sinni. Það eina sem þarf til að tengjast er farsími, spjaldtölva eða tölva. Ekki þarf að skrá sig fyrir neinum hugbúnaði og þingfulltrúum verða sendar ítarlegar leiðbeiningar um hvernig á að tengjast. Notað verður forritið Zoom sem margir hafa kynnst á undanförunum vikum þegar samkomur og samskipti hafa verið takmörkunum háð.

Ekki þarf að greiða nein gjöld vegna þingsins en klúbbur þarf að vera skuldlaus 15 dögum fyrir þing.

Þeim sem ætla á þingið er bent á að skrá sig á netinu (eða óska eftir að fá sent skráningarblað), eitt fyrir hvern þingfulltrúa. **Skráningu á þing** þarf að vera **lokið eigi síðar en 29. maí**. Vakin er athygli á að þeir sem skrá sig á umdæmisþing A eða B geta einnig skráð sig á fjölumdæmisþingið. Dagskrár þinganna fylgja með í viðhengjum.

Nánari upplýsingar um skráningu og kjörbréf

Það er afar mikilvægt að skráning sé vönduð því hún liggur til grundvallar öllu skipulagi þingsins. Öll gögn vegna þingsins verða aðgengileg á www.lions.is á næstunni og verða einnig send í tölvupósti til allra klúbba/þátttakenda. Við minnum þingfulltrúa á að skoða tölvupóst reglulega þar sem búast má við að sendar verði út upplýsingar um þinghaldið.

Skráning

Hér á eftir eru nánari upplýsingar um skráningu til þings.

1. Skráning fer fram á netinu í þessum tengli: <https://forms.gle/bMDDD6JFognsF3Ns5> eða með því að smella á tengil í pósti sem fylgir þessu bréfi. Hægt er að skrá sig oftast en einu sinni og gildir þá síðasta skráningin. Hægt er að leiðrétta skráningu með því að skrá sig aftur eða með því að tilkynna breytingu með tölvupósti til Halldórs Kristjánssonar, halldor@tv.is. Síðasta breyting á skráningu gildir alltaf. Ef þess er óskað geta þingfulltrúar fengið sent skráningarblað en við hvetjum ykkur til að skrá ykkur á internetinu. **Skráningu á þing skal lokið eigi síðar en 1. júní.**
2. Samkvæmt ákvörðun fjölumdæmisráðs, þá skulu þingfulltrúar sjálfir prenta út öll þinggögn og hafa þau með sér til þings, eða hafa þau tiltæk á tölva.



Lionsþing á Internetinu 2020

Kjörbréf

Samkvæmt 32. grein laga Lionsumdæmis 109 skal klúbbstjórn **fylla út kjörbréf** og skila í síðasta lagi 29. maí 2020. Kjörbréf eru nú skráð hér á netinu: <https://forms.gle/rNxhn4fYRSbxNRa87>. Reglur um kjörbréf og atkvæðisrétt:

- Hver einstakur klúbbur, sem fengið hefur stofnskrá, og er skuldlaus við alþjóðasamtökin, umdæmi sitt og fjölumdæmi, skal eiga rétt á að senda á fjölumdæmisþing, fyrir sína hönd, einn (1) fulltrúa og einn (1) varamann fyrir hverja tíu (10) félaga eða meiri hluta þess fjölda, sem hafa verið á félagaskrá í a.m.k. eitt ár og einn dag í viðkomandi klúbbi samkvæmt skráum alþjóðaskrifstofunnar fyrsta dag þess mánaðar sem næstur kemur á undan þeim mánuði þegar þing er haldið. Sá meirihluti, sem nefndur er í ákvæði þessu, skal teljast vera fimm (5) eða fleiri félagar.
- Hver einstakur vottaður fulltrúi, sem sjálfur er viðstaddur, skal eiga rétt á að greiða einungis eitt (1) atkvæði í kjöri til hvers embættis sem kjósa þarf í og einungis eitt (1) atkvæði fyrir hvert málefni sem lagt er fyrir viðkomandi þing. Sé ekki öðruvísi tilgreint í lögum þessum leiða atkvæði meirihluta fulltrúa, þegar greidd er atkvæði um málefni, til þess að atkvæðagreiðslan telst vera samþykkt þingsins. Allir kjörgengir fulltrúar verða að vera fullgildir og skuldlausir félagar í klúbbi sem er fullgildur og skuldlaus í umdæminu.
- Vangreidd félagsgjöld má greiða og öðlast þannig fullgilda félagsaðild allt að 15 dögum áður en lokað er fyrir staðfestingu kjörbréfa, en tímamörk slíkrar lokunar ákvarðast af reglum viðkomandi þings.

Venja er að þeir sem mæta til þings fari jafnframt með atkvæði klúbbsins. Einn þátttakandi – eitt atkvæði. Það ræðst svo af fjölda atkvæða klúbbsins hvort allir þingfulltrúar hans hafa atkvæði. Ef atkvæði klúbbs eru fleiri en þátttakendur frá honum á þinginu, þá falla þau atkvæði sem eru umfram þátttakendafjölda niður.

Kjörbréfið má einnig nálgast hjá halldor@tv.is ef menn kjósa frekar að senda það inn skriflega. Ósk um slíkt skal senda á sama netfang.

Við hvetjum klúbba til að fjölmenna á þetta einstaka þing sem nú er haldið í fyrsta sinn í sögunni á Internetinu.